



THE DAYBREAK.

“Wankantanhan Anpao kin hiyounhipi.”—Luke 1. 78.

Vol. XXVI-No. 3

FOREST CITY, SO. DAK., JANUARY, 1911

Wokajuju 50 Cents

Sicangu makobašpe etanhan, St. Peter wocekiye oyanke Winyan Omniciye kin Convocation ekta mazaska ahipi šni, tka itayena unqupi na lecel wawokiyapi:

Lakota Wicaša wakan on	2.00
So. Dakota obašpe Yewicašipi	1.00
Bishop Tawokajuju	1.00
Kowakata Yewicašipi	1.00
Milahanska el	1.00
Yuwitaya Owomnaye	1.00
Convocation womnaye	1.00
Anpao kin on	2.00

\$ 10.00

Tiyata Wicašapi aconkašapi
on lenakeca yusotapi 61.00

Pickerel Lake etanhan.

Nov. wi kin en Richard Keble taku econ on wicaša nom pidawicakiya. Iyela wanji, qa unma kin Bishop Johnson hee. Richard tankeku—Mrs. Cecelia Rondell—te kin wokiksuye on wawokiyek taku wawicaqupi wan, mazaska wikcemna heca iye Bishop Johnson qu, Bishop token cin kin on yusotin kte. J. R.

Hekta wi Anpao okage cin he el, Bishop Hare Wokiksuye on wounyakapi, nahan wocekiye oyanke iyohila el Wošna kaga unpi kin sam owicakiyakapi naceca. Hecel Womnaye kin he wanna blihela yuha unškanpi wašte. Tokel unkieunpi kta iwacinunyanpi kin he kiksuya unqoupi kte lo. Wicaša na winyan iyohila mazaska wanji aokpani šni kieunpi kta cinpi. Eya tuwa isanpa kieun kta wacinyuze na okibi hecinhan hecon kta he hecetu. Womnaye kin le on yaotaninpi qon, wicaša wanji mazaska zaptan kieun kta oiglake naunhonpi. Kiksuya piye, bliheciye piye.

Mini awicakaštanpi.

Porcupine S. D. St. Alban Tipi wakan ogna, Dec. 11 1910 he ehan Viena, he William na Mary Chief Bear cincapi kin, Rev. Isaac Tuttle mini akaštan.

Trinity Tipi wakan, Corn Creek Mission el Nov. 30 1910 he ehan Hazel, he Albert na Bena Bear Killer cincapi kin, Rev. Amos Ross mini akaštan.

Wakankiciyuzapi.

Pine Ridge Agency S. D. Nov. 10 1910 Edgar Ghost Bear na Bessie Fire Thunder kiciyuzapi.

Nov. 17 1910 St. Philips ogna, Henry Struck by Crow na Susie Plenty Horses kiciyuzapi.

Nov. 18 1910 St. Julias ogna, George Blue Legs na Rose Coin kiciyuzapi

Nov. 20 1910 St. Julias ogna, Joseph Good Plume na Louise White Belly kiciyuzapi. Lena Rev. Isaac Tuttle wakan kiciyuswicakiye

Wicaše.

Hekta Oct. 6th Mrs. Katie Barbier qa Oct. 8th icunhan hapi. St. Philips Tipi wakan, White Swan ekta ahipi qa wocekiye econpi. Wicota hipi, qa iye iyaye cin on nina cante šicapi. Winyan wašte heca, qa wocekiye waštedaka. “Israel ed inamayampi” Wowapi wakan ed winyan wanji eye qon, he iyecen Dakota oyate kin ekna Mrs. Barbier un e wicaša ota kecankinpi.

Rev. Charles S. Cook, cinbintku kin, Wakantanka wicošan tanyan econ kta cin, wicošan kin he on hunku kin iyuškinyan kpagan.

Hekta Omniciye tanka kin en tawinohin unyanpi he wokdake šipi, qa tona nañonpi kin owasin, winyan wan Wakantanka toyawašte yuha heca kecinpi.

J. Flockhart

Cinyeunyanpi Wazihanska te.

Hekta Dec. wi on Anpao okage cin unyuštanpi qon wotanin el unhipi na lecel eyapi, “Wazihanska ignuhala te nayañon hwo, eyapi, He wicakapi canke itayena tawicu kin wowapi unqupi na ecel oyake.

Oglala etanhan token iyaye con wiyohpeyata California ekta ya, na heciya otonwe wan Bostonia eciyapi el Tipi wakan wan awanyaka. Ho hecel un he na hekta Nov. wi icunhan wowapi maqu na ito Anpao mitawa kin he wanna otonwe wan Escondido el hiyuma-yakiyin kta, eya ca ecel ecamon. Yunkan Escondido el iglag iyaye na iyotanke qon iecala, Nov. wi

wiyawapi 23 he ehan ignuhayela te.

Eya Lakota oyate kin iyuha Wazihanska (Rev. W. J. Cleveland) he tuwe hecinhan oyasin slolyapi, tka lehan icagapi—wakanheja kin—hena tanyan, slolyapi šni kin on ito takuku unkeyapi kte. Wicaša kin le koškalaka qonhan, Iglakesa—Rev. H. Burt—kici Owayawa wankantu, College eyapi kin he opa, na hehan el igluštan qon ake Iglake sa kici Wicaša wakan el onspewicakiyapi, Berkeley Divinity School el opa. Igluštan qon Deacon kagapi na Iglaksa kici Lakota makoc el hi, na Bishop Hare, hi qonhan Lakota om unpi e iyewicaya. Ohakab Bishop Hare iye Priest econsi, na hehan Ihanktonwata, Magaska otonwe el St. Philip Tipi wakan kin awayakin kta iyotanke. May wi 1874 Ihanktonwan Owakpanni el wai qon Wašicun wakan tokaheya wanblake cin Mr. Cook hee, na iyokihe cin he Mr. Cleveland hee. He bloketu ataya ota wanblake, na wi tona iye ti el waun ptayetu Convocation wan econpi qon hehanyan, hehan tokiyab yemašipi. Ohakab Mr. Cleveland walitagya wowaši econ cankel tuwa St. Pauls School awanyakin kta wanica qon he el un kta e yešipi, na lehanl wicaša ota kiksuyapi naceca, he ehan tona el wayawapi qon.

Iyohakab ake Sicangu oyate wiceegna Wotanin wašte oyakapi na el Okolakiciye wakan icagin kta cinpi qonhan ake Mr. Cleveland ekta yešipi, na heciya un icunhan St. Marys School, Ptinhan huna-ge qon, he kaga na omaka ota el wowaši econ, ohakab Madison, na Howard na Flandreau otonwe kin hena škan. Ieunhan Anpao kin he Iapikahniga itancan un, na isakib woonspe wašte ota yuieska na yaotanin. Omaka 1897 qonhan South Dakota etanhan token iyaye na Susquehanna Pa. el Tipi wakan wan Christ Church eciyapi he awanyaka, tka waniyetu iyamni he ehan ake Lakota ekta gli na Oglala oyanke el waawanyaka ur, na waniyetu tona zani un kin hehanyan blihela wowaši econ. Ocib wicašca aya na wayazanka

aya cankel asnikiyin kta na ake kitanna zani kta e California ekta ye, na iwankam unkeyapi kin heciya te.

Tona Wazihanska slolyapi, nahan tawoonspe, tawowahokonkiye nañonpi kin iyuha kiksuyapi na yuonihanpi wašte kta, kinhan Okolakiciye wakan el sanpa na sanpa finisičiyapi nin unkecinpi.

Ateyapi iyotan Waonšila, nitakiye kin le nagi kin niye el elak kta e iyonicipi; unkiyepi nabañe tona oicimani kin le, na wowaciye kin on maunni kin, maka ki el patawanjila waecaunniconpi, n ecel wakanpi wašte wicaluha ki ob, wowitan owihanke wanice ci ikoyagunkiciyapi kta e unan piye Jesus Christ itancanunyanpi ki eciyatanhan.

Manderson, S. D.

Anpao kin :

Kola, Winyan omniciye lel unpi kin Nov. 16, 1910, St. Marks Chapel el oitancan apikiyapi. Itancan, Annie Steele; Iyokihe, Bessie Eagle Ring; Wowapi kaga, John Black Fox; Mazaska awanyaka, Nellie B. Fox; Wokagege awanyake, Rose White Buttes Tuly; Wamnaye, Eliz. Running Elk. Lena wi akenom iyuškinyan Wakantanka ihukuya wowaši econpi kte lo. Oitancan tecapi oyasin nape unniyuzapi.

John Black Fox

Little Oak Creek, S. D.,

Good Shepherd Church

Anpao kin :

Kola, Nov. 11, 1910 icunhan Winyan omniciye kin wicošan apikiyapi, na lena wi akenom oitancan unpi kta wicayuštanpi. Itancan kin, July Holy Medicine; Okihe kin, Nelly Dog Eagle; Wowapi kage cin, Catharine B. Eagle; Mazaska awanyake, Hannah Take the Gun; Wokagege awanyake, Mary Martin; Wayazan awanyakapi, Sophia Waonšila win na Edith Dog Eagle; Wamnayanpi kin, Lucy Kill at Night na Julia Red Calf; Tiyopa awanyakapi, Julia Eagle Bull na Alice Holy White Man. Hena Wakantanka wowašiwicayin kta wicayuštanpi. Tokin Wakantanka owicakiye na zaniyan ekihunni piye nin unkecinpi. Tona tankakiciyapi oyapapi oyasin nape unniyuzape.

C. B. Eagle

3. Iyanni kin Woccekiye oyan-
ke tawapi kin elel taku ota wanice
cee, Tipi wakan nicapi na en ko-
han wanji cinpi na on mazaska
mnayanpi: iŝ Tipi wakan yuhapi
eŝa Timahel taku ota wanica, can
akaniyotankapi, petijanjan, ceeti,
wagna wotapi, wagna wotapi aka-
ŝipe, Wotapi wakan wakŝica, ogna
Baptisma wicaqupi, taku hececa
ota yuke. Nahan Wawokiya,
Catechist, na Wicaŝa wakan tawa-
pi kin takuku on owicakiyapi kta
iyeececa kin ota. Heon etanhan,
Womens Auxiliary — Wawokiya
Winyan omniciye lecepi kin on
mazaska tona mnayanpi kin owi-
cakilotapi eca owicaqupi kta iye-
ceca ŝni. Eya tuwa wolotin kta
canua owicaqupi ŝni on iyokipipi
ŝni ece, tka akeŝ owicaqupi iyoba-
kab tehan glajujupi ŝni na wicaki-

- I. Winyan Omnicie kin le, Protestant Episcopal Church—Skain Okolakiciye—etanhan, Wawokiye Winyan (Womens Auxiliary) Omnicie eciyapi kta; na Wošna Kaga tawapi kin oħlateya wowaši econpi kta.
- II. Omnicie iyohila Itancan wanji, Itancan okihe wan, Mazaska awanyaka wan, na Wowapi kaga wan yuha kta; na woitancan kin lena omaka iyohi December wi kin icunhan wicakalnigapi kta.
- III. Itancan kin he omnicie oyasin el un kta iyececa, taku on el un kta okihi šni ebantanhanš, Itancan okihe kin el un kta, na Itancan wicohan tawa ogna econwicakiyin kta. Nopin el unpi šni kinhan Wowapi kage cin itancan yankin kta. Itancanwicayapi tuwenni el unpi šni kinhan winyan tona hipi kin, wanji inalini itancan kta e kalnigapi kta. Tka, tohan hececa can mazaska on, naiš takn lica on wayuštampi kte šni, wacekiyapi na wicohan tawapi tokel iyoptapi kta wašte kin eecla iwokici-glakapi kta.
- IV. Anpetu itopa iyohi wicokan sanpa omnicie lica econpi kta; nahan ignubayela takn wanji on igluwitayapi kta iyececa hecinhan, Itancan lica cin he wicayuwitayin kta. Mniciyapi eca lowanpi kta, Itancan Tawocekiye, Wowicala kin he na wocekiye yawapi kta. Wowapi wakan etanhan yawapi kta, na tokel okihipi oegle wanji tawacinpi kin on onspeiciyapi kta.
- V. Itancan wanjila iye tokel cin on mazaska wayuštamp kte šni, tla tokan mazaska kin on, naiš takn econpi kte cin on wayuštampi kta hecinhan, Itancan kin he omnicie najinwicakiye, naiš yugalwicakiye cin on (Vote) yuštampwicakiyin kta.
- VI. Winyan tona Omnicie opapi kin iyohila Canopiye šaša wanji yuhapi kta iyececa. Ognaz mazašala mnayanpi kin hena tiyata wicohan kin on ilagiyapi kte šni, tka Okolakiciye wakan Yewicašipi wicohan tawa wanji on kicunpi kta na heon Wošnakaga kin mazaska kin yewicakiciyin kta. Omaka iyohi May wi na December wi kin icunhan Canopiye šaša kin hena kablokapi kta. Winyan Omnicie iyohi Yawitaya Owonnaye opiye (Opiye tola) wanji yuhapi kta, na Omnicie tona econpi kin iyohila iyaza pazopi kta, na ogna tona mnayanpi kin Wošna kaga tokel econwicaši kin ogna econpi kta.
- VII. Mniciyapi kin icunhan, ignubayela taku wanji tanyan okalnigapi šni, naiš taku akinicapi kinhan, naiš wicaša tuwe omnicie yegle cinhan, takuni yuštampi šni ecel Wošna Kaga kin okiyakapi, naiš iyungapi kta, na tokel iyukean kin ognayan wayuštampi kta.
- VIII. Oyanke wanji el Winyan Omnicie kin taku kuwapi na cin mazaska mnayanpi kta cinpi kin icunhan ilehanyag omnicie oaletka unpi kin icewicakiyapi kta cinpi kinhan, tokaheya Wošna kaga kin iyungapi kta, na hecetu keye cinhan, atokanl unpi wowapi on icewicakiyapi kta, na iyokipipi hecinhan owicakiyapi kta.

lapi eca šiglapi sa. Hecel iwan-blake cin eciyatan iyokipipi šni he wašakala, na šiglapi kin he šice, hecel wašakala kin he opapi he wašte kecanmi.

Mazopiye ekta wicaša icazopi sa, na tehan kajujupi šni canna lila nagiyewicayapi tohanyan kajujupi šni lehanyan, qejaš tona taninyan kajuju wopetonpi kin, taku icapi kte otehi wicakiyawapi ece na iyepi oicazopi qon ko kajujupi ece, tka ablezapi šni. Winyan omnicie unpi kin mazopiye hecapi šni, na tuweni hecel wicayawapi kta iyececa šni. Tka taku mnayanpi na wiyopeyapi kta can, han, le mazopiye heca šni, tka okolakiciye wakan etanhan wawokiyapi kta omnicie kin heca, hecel ka opewaton kte cin taninyan wicawecicaju kta, eyapi wašte. Naiš taku kin he cinpi lica na ecala mazaska yuhapi kta slolyapi kinhan, ito micignakapi ye, tokeša mazaska awau kta ye, eye cinhan kici-

gnakapi kta. Tka takomni tuwe mazaska yuha na kajuju opetonpi kin he hecetu, na tohan heconpi ca tuweni šigla kta iyececa šni.

Wasićun ekta mazaska olotapi kta e Mazaska tipi yukan, na tuwe el wolotin kta hecinhan, išicola okihi šni, taku icaške kta, na cinaton kta kicagapi ece. Tka Winyan omnicie hecapi šni, na ogna econpi okihipi šni, hecel ogna škanpi naiš škanwicakiyapi kta iyececa šni.

Eya tuwe eyin kta, Mazaska un-kagapi kin, naiš woyuha ungnakapi kin he Winyan omnicie un-qonpi kin iyounwajapa, na unkiye tokel uncinpi kinhan ogna econ-qonpi kta he hecetu we. Ho niyepi wobliheca nitawapi kin cin lena yakagapi na nitawapi tka, taku ca on mnayayapi he, Womens Auxiliary on hecanonpi naiš omnicie ikeeka on mnayanpi he, epe. Christian Winyan Omnicie on hecanonpi hecinhan, tona ya-

kamnapi kin nitawapi eša, nakun Wakantanka oyakiyapi kta e ecanonpi, na on etanhan iš eya tawa, na inapištanyan, iš otuya lusotapi kinhan tanyan kte šni. Hecel Wakantanka iyowaja lica, ognayan Winyan omnicie opićiyapi wašte. Eya wayazanpi, na onšikapi kin owicakiyapi kte cin he hecetu, tka icazo taku wiyopeyapi, naiš mazaska owicakuhanpi kin ayuštampi wašte. Icin lehantu kin heca on ota iyokipišni kiciyapi na on Okolakiciye Wakan iyoopte šni. Tokin winyan oyasin taku kin le on tanyan wiyukeanpi na owotanla econpi nin ecanmi.

Cantewašteya nape ciyuze.

ODOWAN.

1. Wakpa oiyuwege,
Wana sanpa idade,
Paradise makoe kin,
He wana iyoyahi,
Qa wana Itancan kin,
Itokam inayajin,
Jesus toozikiye,
Imnahan iyacu kte,
Qa tewicayahinda
Om wanyeciye kta.
2. Oh ate waonšida,
Ounyakiyapi kta,
Qa wakpa okokipe,
En nukicipi un ye,
Qa tohan unyecopi,
Nih kin naunhonpi,
Ninape etapa he,
Yus unkayapi kta e,
Nitowaonšida he,
On unkatonwan miye.
3. Qa dehan uncantepi
En oiyokišice,
On waunšakapi šni,
He niye sdonyaye lica
Wokicanpte nitawa
Kun unkukiya miye.
Ateyapi, cinhintku
Woniya wakan nakun,
Wowitan duhapi nin,
Ohini qa ohini. Amen.

Composed by T. A. Robertson

OKOLAKICIYE WAKAN KIN ON WIWICAWANGAPI WAN.

Wakanpi ekta unpi kin.

W. Wowahokiciye teca kin Greek iapi kin ogna kagapi kin he, wanagi ekta unpi kin, he tokel eyapi he.

A. He "Hades" eyapi, na onnye kin he toki wicanagi oyasin ekta yapi, na woćkicetu aperi icunhan tokata wokakije naiš wawašte yuhapi kte cin itokab utapi.

W. Wasićun Wowapi Wakan kin el tokel Hades ieskapi he.

A. He wicoie wan "Hell" eyapi, na hecel ieskapi qon wicoie kin he oyanke wan "akalipapi, nahmal, naiš wanyagpica šni" he kapi. hecel wicoie kin he Hades yuieska kte cin kipi.

W. Wahošiy Tawowicala kin el tokiya Christ hi eyapi he.

A. He kuya Hades (hell) ekta i eyapi, na Wocekiye wowapi kin he, wicangi ekta yapi eyapi kin he woeye iakilececa eya.

W. Christ icipaweli okatanpi na kini kin iyokogna, David toie

qon, Christ eekiya eyapi kin he tukte he.

A. "Minagi kin he Hades ekta elipemayaye šni" eyapi kin he.

W. Iyunkan David tokel ke cin St. Peter eya he.

A. He wicaša wokcan kin heca, na Christ ekicetuyapi kin he cajeyate, nagi kin hades ekta elipekiyapi (ayuštanpi) šni."

W. Christ Hades ekta i kin on woonspe kin he on wicaša tokaca naton kapi he.

A. Wowapi wakan iapi tani kin etanhan wicoie nonpa yuke cin nopin wicoie wanjila on yuieskapi kin heon.

W. Wicoie henios tokel eyapi he.

A. He Hades na Gehenna eyapi. Hades eyapi kin he wicanagi iynha el yapi onnye he kapi, na Gehenna he wokakije lica oyanke cin he kapi.

W. Hades oyanke, iš wicanagi ekta yapi kin, Jesus wamanon sa iyopećiyeye kici iyaye cin na Paradise eyapi kin he oyanke tukte kapi he.

A. Tuktel owotanpila nagipi kin "iynškinyan unpi" na hel woyasu ape unpi kin efn.

W. Wicakini anpetu kinhan taku yuhapi kta he.

A. Wakantanka towitan owihanke wanice kin el wicatanan na wacanagi nopin el wowašte ataya yuhapi kta.

W. Lehan wicaša ota "Hell" wicoie kin he tokel kapi kecinpi he.

A. Cajeyatapi kin eciyatanhan, ohanketa tona šicapi kin tokiyapi kte cin he kapi, na lica nonpa wicoie wanjila on capatapi kin on tona ablezapi šni wicawowicake kin on waeingau wicawoye ece.

W. Lel wicoie kin he nonpa kapi kin akta cajeyate

A. "Hell" eyapi kin tokeya onnye wan tokiya wicanagi oyasin el yapi na hel woyasn anpetu aperi kin icunhan, tokata wowašte naiš wokakije hanke utapi.

W. Unna tokel kapi he.

A. "Hell" icinonpa eyapi kin eciyatanhan he tona šicapi lica, oehake na owihanke wanin wokakije yuhapi oyanke he kapi.

Woonspe Iwikcemna tepa sanpa tepa.

Easter Anpetu.

W. Easter Anpetu iyehan Okolakiciye Wakan kin taku kiksuya he.

A. Christ ekicetuyapi kin he.

W. Otokahe ekta Christian unpi kin hena tokel Easter Anpetu kin cajeyatapi he.

A. Wokiksuye Itancan kin he eyapi, na iyotan tankaya yuonihanpi ece.

W. Easter Anpetu tokaheya qon toketu he.

A. Malpiya eciyatanhan Itancan Taogligle wan kul u, na tiyopa kin etanhan iuyan kin yuptanye ca akan iyotanka.

W. Ogligle kin tokel tanin he.

A. "Ite kin wakangli iyececa, na hayake kin wa iyececl ska, na kokipapi kin on waawanyakapi kin hena lila cancanpi, na wicaša tpi kin iyececl ayapi."

W. Ihanna lica tuwa ca cgnakapi kin el hipi he. Lukas 24:10.

A. "Mary Magdalene, Joanna, na Mary, Jacob hunku kin, na Salome, Zebedeē tawicu, James tan-ka kin na John hunku kin."

W. Ogligle kin he winyan kin taku ewicakiya he.

A. "Lel un šni, wanna iglucece-

tu, heye çon iyececa. Kuwa po, Itancan tuktel iyanke çon he wanyakapi ye" eya.

W. Ogligle wakan kin taku econwicaşi he.

A. "Kohanui glapi na wicape cin etanhan kini ce, waonspewicakiye cin owicakiyaka po" eya.

W. Waonspewicakiya kin hena owicakiyag iyayapi qou tuwa ca itkowicakipa he.

A. Jesus itkowicakipa na "Wiyuşkin po" owicakiya, na iyepi Jesus oholapi.

W. Hehan Jesus winyan kin taku econwicaşi he.

A. "Mihunkawanji owicakiyag ya po, Galilee ekta yapi kta, na heciya wanmayakapi kta" heya.

Easter Nakun.

W. Jesus kini qon ohakab tuwa tokaheya el iglutani he.

A. Mary Magdalene, etanhan taku wakan şica şakowin elpeki-ciye çon, he tokaheya taniniçiya. Markos 16:9.

W. Hehan tuwa el iglutani he. 1 Korinth. 15:5.

A. Simon Peter, nahan Kleophas na waonspekiye unma kin kici, Emmaus ekta yapi icunhan. Lukos 24:15-34.

W. "Waonspekiya unma kin" he tuwa he.

A. St. Luke Wico. 24 iyukean-yan yawapi kinhan, "waonspekiye unma kin" he St. Luke he iye ca ablezapi kta. Icin tuwa icin nahan wotani waşte kin owa kin he owanjila.

W. Itancan Taanpetu tokaheya, hitayetu kin el, toketu he.

A. Itancanunyanpi kin he waonspewicakiye el iglutani, St. Thomas eela el un şni, na hewicakiye, "Wookiye nicipi un umwe." Ate tokel umaşi kin he iyecel miş yecişi. John 20:21.

W. Ohakab watohan ake Jesus waonspewicakiye el iglutani he.

A. Iyohakab anpetu şaglogan qon he ehan St. Thomas owicapeya un.

W. Nahan tuktel akewanjipila kin Jesus wanyakapi he. Matt. 28:16.

A. "Galilee ekta, paha wan Jesus eajeyate cigon hetu."

W. He ehan Jesus tokel woopé wicagu he.

A. "Ya po, oyate kin oyasin onspewicakiya po, na Ateyapi kin, na Cinhintku, na Woniya Wakan eaje kin on Baptisma wicagu po" eye çon he.

W. Ake watohan iyepi el iglutani he. St. John 21:4.

A. Tiberias ble kin el, he ehan Peter, Jesus waştelaka hecinhan yamukiya wiyunga, na "taheca şunka na cincala ko tawa" wolwicaşe ş.

W. Itokan ataya pıayela tona Jesus wanyakapi he.

A. "Hunkawanjinkiciyapi opawinge zaptan wanyakapi." 1 Korinth. 15:6.

Easter Nakun.

W. Wanikiya ognakapi kin awanyakapi kin, kini kin on taku eyapi he.

A. Woşna kagapi kin ekta yapi, na taku econpi kin oyasin owicakiyakapi.

W. Woşna kagapi kin wokici-glakapi ohakab tokel econpi he.

A. Unkiştinmapi icunhan; waonspekiye cin hanhepi el icunhan Christ tancan manonpi, eyapi kta ca opewicatoni.

W. Akicita kin tokel econpi he.

A. Tokel onspewicakiyapi kin iyecel econpi; heon wicoie kin le Juda oyate kin el oyakapi ece anpetu kin lehanyan.

W. Jesus tancan yuha icipawel okatanpi qon, he iyecel yuha kini ce, tohinri waonspewicakiye cin wicakiyuwicaka he.

A. Jerusalem el, akewanjipila yuwitaye yankapi na Woekicetu kin iwokiciglakapi qon, he ehan nape siha ko el ocape kin wicakipazo, na om wota.

W. Untancanpi ekicetuyapi kte cin on tokel St. Paul eya he. Philippi. 3:31.

A. "Itancan Jesus, unkitancanpi hanye cin he yutokeca kta; na Iye tancan wakan ouncage kin el icaliyin kta" eya. Na St. John eya, "Iye iglutani eca iye iyeuncapi kta e şolunyanpi."

W. Lecel unyutokecapi kte cin, woakipa wanji etanhan unka-blezapi kin he tukte he.

A. Christ yutokecapi qon he, he ehan "ite kin anpetu wi iyecel iyega, na tawokoyake iyoyanpa iyecel ska."

W. Woekicetu kin on tokel Jesus eya he.

A. "Anpetu wan hi kta ce, wicaşa wicahapi kin oyasin binanpapi kta, tona waşte econpi kin hena wiconi woekicetu ekta; na tona taşica econpi kin hena woyasu woekicetu ekta hiynpi kta" eya.

Big White River

St. Peter Station

Anpao kin :

Mitakola, le anpetu kin el owicohan etan oblakin kte. Rev. Luke C. Walker taoşpaye unketanhanpi, tka White River el unqonpi na tohanyan unkokihipi Taku wakan wowaşi ecaunkicoupi. Mr. Walker ake lehanl owicohan ota unkiyustaŋpi. Unma ocekkiye titokan glipi, Mrs. Irene F. Tail, cuwintku wanji kici, na Ruth E. Hawk, hena Şina sapa etanhan; nakun Ogle ptecela etanhan Mrs. Helen H. Dog, R. M. E. Hawk, Thomas F. Tail, Sam Knee na Willis Hawk. Ho, na teca opapi kin, Amos Little Crow, Sophia Yellow Owl, na wakanheja nom Bird E. Hawk na John E. Hawk, hena Mrs. Ruth E. Hawk cincapi; na Louis na Narcisse Moran, Mrs. Moran cincapi.

Ho, na Okiciyuze wakan nakun. Mr. Marshall Old Lodge na Emma Dubray hena kiciyuzapi, Rev. L. C. Walker wicakiyuştan. Lena on etanhan Taku wakan wopila ewakiya. Wicaşa na winyan kin lena Taku wakan el taku econqonpi kte, na taku eye unşipi kin lena ake ogna enajinpi na on etanhan piwala kin on lena laotanin wacin. Tona le wanlakapi wocekkiye eçapi ca unkiksnya po.

Joseph A. Thunder
Helper

Sisseton S. D.

Anpao kin :

Mitakuye, taku miyccidaotanin wacin ye. Skaun Okodakiciye ed St. James etanhan wicinyanna Omniciye oitancan pikiyapi kin dena wicayustaŋpi. Itancan, Lavina Max; Itancan okihe, Elvina

Owen; Mazaska awanyaka, Mabel Keble; Wowapi kaga, Minnie Owen; Wamnayanpi kin, Mary Shepherd qa Eunice Keble. Iho, dena ake tokatakiya Wakantanka hitakinipi kte. Tona Anpao iyacupi kin hena cantewaşteya nape ciyuzapi ye.

Minnie Owen

St. James oyanke etanhan Winyan omniciye oitancan pikiyapi Nov. 30 1910 ed, decen yustaŋpi: Itancan, Mrs. Martha Hayes; Itancan okihe, Cecelia Blue Dog; Wowapi kaga, Jessie C. Finley; Mazaska awanyaka, Sarah Red Star; Wamnayanpi kin, Elizabeth Blue Dog qa Ti iyopte win.

Iho, dena ake tokatakiya Wakantanka hitaunkinipi kte, hecen wocekkiye on unyeksuyapi wacin ye. Eya taku wanji awacanmi kin he wakan eckiyapi etkiya taku econqonpi kin hena otuya kte şni. Qa icunhan Wowapi wakan teca kin Markos Wico. 11 oehde 22 eu "Unkan Jesus waayupte qa hewicakiya, Wakantanka wacinyanpi kin he yuha po." Heceŋ wicoie kin de on wicatancaŋ qa wicotawacin kin ataya econpi nin ecanmi ye, qa winyan omniciye yaunpi kin Wakantanka wanjina kin eciyatanhan iyecen unwanjipina kte. Winyan omniciye owasin nape ciyuzapi ye.

Jessie C. Finley
Wowapi kaga

Sisseton, St. Marys

St. Andrew Taanpetu kin ohnayan Sam. Renville ti kin ohna St. Marys Koşka Okodakiciye kin mniciyapi. Tokaheya odowan 3 kin on dowanpi qa Wowicada kin qa Itancan Tawocekkiye owas eyapi qa hehan oitancanpi kin wicakafinigapi. Itancan kin, Ira W. Shields; qa okihe kin, Aleck Renville; Wowapi kaga, Sam. S. Hopkins; Mazaska awanyake, Sam. Renville; Tipi wakan awanyaka kin, William Seaboy; Wicayuhice Committee kin, Robert Grant, Paul Red Earth; Wayazanka Committee, Victor Renville qa Robert Higgs. Ho ake dena owasin Wanikiya qunkiyapi kinhan omaka wanji hitaunniipi kte. Tona Anpao kodayayapi owasin cante waşteya nape unniyuzapi.

Sam. S. Hopkins

Santee, Nebr.

Anpao kin :

St. Andrew Taanpetu, Nov. 30 1910 de iyehan St. Andrew Sunkakiciyapi kin, Santee cu Chapter 531 unpi kin yuwitaya omniciye econpi, qa oitancan piwicakiyapi. William Whipple, Itancan; Dayid Khune, okihe; Henry James, Mazaska awanyaka; Henry H. Whipple, Wowapi kaga. Wi iyohi omniciye econpi, qa dena tokabe wicakiyapi kta wicayustaŋpi.

Ake Dec. 4 1910 Agency eu Oadetka cistiŋna unpi kin oitancan apikiyapi. Capt. B. J. Young,

Itancan; Henry H. James, Itancan okihe; William Whipple, Mazaska awanyake; Henry H. Whipple, Wowapi kaga.

Ho dena Christ tokiconze kin koşkalaka wicehna icage kta e hitanipi kin en Itancan wicakiyapi, qa Wakantanka owicakiye kinhan St. Andrew Sunkakiciyapi kin sanpa icage kta e kuwapi kta.

Tona Anpao dawapi ece kin owasin iyuşkinyan nape unniyuzapi.

Henry H. Whipple
Wowapi kaga

Cheyenne Agency S. D.

Lel St. Stephens Chapter No. 471 S. Andrew Sunkakiciyapi etanhan oitancan apikiyapi ca lena wicayustaŋpi: Andrew WhiteFace, Itancan; Job Left Hand, okihe; William Jones, Wowapi kaga; Oliver Black Eagle, Mazaska awanyaka. Eya nakun koşkalaka wicohan wicagu pi tka lecala unkoyakapi lehanl.

Rosebud, Epiphany Chap. etan.

Dear Day Break :

Lehanl ake wayuotanin cişi kta wacin kin heon iseciciye lo. Ho lehanl B. C. U. oaletka wan lel unqonpi kin ake oitancan apiunki-yapi na lena ake wi akenom Wakantanka iyohlateya hitanipi kta wicungluştanpi. Lena cepi: President, Walter William; Vice Pres. Daniel Comes from War; Secretary, Lincoln Williams; Treasurer, Moses Growing; Board of Trustees, Cyrus Stone na Harry Charge on Him; Care of Sick, James Running Horse na David Earring; Door keeper, Stands on the Island. Ho lenake ake 12 months hehan-yan hitanipi kta hecel wicahniigapi. Ho hecel Wakantanka okihiwicaye kinhan tanyan ekihunnipi kta hecel ecanmi ye lo. Ho, hecel tokel wicaşa waonspewicakiyapi na tanyan wowaşi econpi kin he iyoptekiyapi he waşte. Heceŋ mitakuyepi bliheca po, na Taku wakan wicayalapi kehapi kin he kiksuya wacin po. Wakantanka iyehca tokel canku tawa kin nicipazopi kin le ogna iyaye wacin po, na unma canku şkoşkape kin he ogna ilalapi kinhan he lila tehi-ka ce. Ho mitakuyepi, Wowapi wakan el wicoiye wan lecel yanke, "Tuwe miyagna un kin he wiconi owihanke wanice kin yuha kta; na tuwe miyagna un şni kin he wiconi owihanke wanice kin yuha kte şni ce" eve qon he obinniyan weksuye. Ho mitakuye hecegla epa wacin ye lo. Ho tona Anpao kola yayapi hena iyuşkinyan nape ciyuzape lo.

Lincoln Williams

ANPAO - KIN:

REV. E. ASHLEY, Editor
Rev. W. Holmes, Assoc.

Anpao wotaniŋ wowapi kin wi iyohina, wiyawapi anpetu tokaheya eca wowapi tokşu kin ogna yewicakiciyapi ece. Wi akenom (one year) on kaşpapi zaptan kaşuju pi kta.

Wi şakpe kin kaşpapi nonpa sam okise. Icupi şni itokab kaşuju pi kta.

Money Order, Cheyenne Agency on opetonpi na hiyumakiyapi kta. Okihipi şni kinhan Wowapi askabyapi maqupi kta.

Tuwa wowapi kagin kta ca wowapi ska şani el owa kta.

Opetonpi kta e wowapi hiyukiyapi qaiş ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
Cheyenne Agency, S. D.